



17154

kat. komp.

I

Mag. St. Dr.

P

*Speronowiin Joach. Charites Lechinas
lacertiam Renatam in Poloniarum Re-
ginam destinatam Cracoviae primum
consalutantes.*

P. 17154 et V. 17154

Polon. 4^eN^o 1107.

Biblioteka Jagiellońska



stdr0002996

CHARITES LECHIA CÆ:

Boni ominis & perennis felicitatis gratiâ

SERENISSIMAM

CÆCILIAM RENATAM

Ex Domo Austriaca Imperatoria, &c.&c.

in Poloniarum Reginam.

VLADISLAO IV.

POLONORVM & SVECORVM, &c.&c.

REGI Potentissimo diuinitus destinatam

*Reuerentissimè Cracouie primùm consalutantes : &
mox eidem vnâ cum Proceribus amplissimis Varso-
uiam in comites adiunctâ.*

Quas

& cohonestandæ Sacrorum Connubiorum so-
lennitatis, & debiti cultus ac demissorum obse-
quiorum gratiâ.

*M. Ioachimus Speronowicz, Coll: Min: Philos. Doctor,
cultu quo esse potuerunt, felices ire iussit.*

CRACOVIAE,

Ex Officina Typographica Francisci Casarij, Anno D. 1637.



U. R. BIBLIOTHECA
 VNIV. IAGELL.
 CRACOVIENSIS

17154I

*Ascia praeclustri splendet peracuta nitore,
 Atteritur fido pro Patria obsequio.*



Illustri & Magnifico Domino,

I O A N N I

De Szczekárzowice

T A R Ł O,

Palatinidæ Lublinensi, Aulico Cu-
biculario S. R. M.

Domino ac Fautori Colendissimo.



*Harites meas officiosas, Tuæ Illustris & Magni-
fice Domine singulari prudentiæ, deuoueo prote-
gendas. Illas quidem Cracouiâ Varsouiam, ad spe-
ctandam S. R. M. sacrarum nuptiarum celebri-
tatem, ire iussi auspicas. Gratia sunt, præter gratitudinē
nihil aliud spirant, & unâ cum amplissimis Ordinibus, in eo
vel maxime contendunt, ut qua ratione possunt, publicam hi-
laritatis accessionem accumulent. Quem verò illis in lucem
& conspectum publicum deducendis honorarium quærerem
protectorem, quam Tuam excellentem virtutem, grauitatem,
industriam, humanitatem, maturitatem, morum eximio splē-
dore supra ætatem decoratam. Hæ profectò sublimes virtu-
tes, amorem Tibi Serenissimi Regis Domini nostri Clementis
conciliant, eò quidem magis, quò plures ac difficiliore cum
sua S. R. M. expeditiones, temporibus difficillimis, honorifi-
centissime obiuisti. Quid enim? nonne formidolosa cuiquam
videbatur Moschouitica expeditio? te tamen illa nunquam*

*à S. R. M. absentem vidit; ut nulla te incommoda percellen-
 tia inde abstraherent? Nec minus alia contra Abazibasam
 plena terroris, plena dubiæ dimicationis prosectio; tuum ta-
 men animum nihil deterruit, paratum fortunam quæcunque
 consequeretur sustinere. Verum & Prussiaca te traxit non
 inuitum, qui ita statueres, tuam virtutem ista quoque ætate
 tum S. R. M. Domino suo Clementiss. tum obsequiis Patriæ
 charissimæ probari oportere. Vidit S. R. M. hoc in Te stu-
 dium tam insigne, & cursum ad laudem, quæ Patriæ impen-
 deretur obsequijs: idcirco primo quidem Leopoli Lublinum,
 suo sacro nomine in causis certò sibi ad Ordines commissis, Tua
 Virtute & operâ uti voluit, ac eandem iterum Opatouiam,
 ad simile obsequium destinavit. Iam quod nomine Ordinum
 ad Comitiam minora, bina felici legatione functus es: ac iterum
 nomine eorundem, ad Generalia Regni Comitiam ad S. R. M.
 Nuncius iuisti: hinc elucet clarissimè, quid S. R. M. quidue
 etiam communis bonorum existimatio, de Tux virtutis & in-
 dustriæ præstantia singulari constituat. Quæ bona ita sunt
 priuatim Tua, ut magnam illorum partem Patria, magnam
 Illustriss: Parens qui Te Reip. reddidit; magnam Academia
 nostra, quæ Te studijs suis fouit & nutriuit; iure suo repetât,
 vel potius amplius ad laudem Diuinam in Te uberrimè ef-
 florescere expetant. Vige & flore feliciter, pulcherrimum
 Polonæ Nobilitatis ornamentum, crescas imitatione viro-
 rum in Rep. iudicio graui & salutari sententiâ summorum, in Ci-
 uem Reip. & Regni dignissimum, ac Domus Tarlouianæ de-
 cus amplissimum.*

*Illustris. & Mag. Dñationis Tux
 addictissimus*

M. Ioach. Speronowicz, Coll. Min.



CHARITES LECHIACÆ.



Vando non solum subiecti populi, sed etiam exteræ nationes, propter sacram Regiarum Nuptiarum solennitatem animis recreantur: fas est singulorum animos, etiam nostros qui mansuetiorum sumus cultores disciplinarum & artium, in hunc tam sanctum officij cultum, & magnæ loco pietatis habendam consuetudinem, omnis æui memoria confirmatam, maximo conatu & studio incumbere promouendam. Rege namque Poloniarum inuictissimo VLADISLAO IV. qui prius Regales coronas quam est adeptus frequenti illa pro Patria & Regno deuotione meruerat: Serenissimam CÆCILIAM RENATAM Domus Aultriacæ peraugustæ, Reginam in sacrosancta Regni & genialis thori consortia honorificentissimè acceptante, ac splendore & apparatu Regio, ex patrio imperio in suum regnum tanto gentium nobilissimarum, & Ordinum regni amplissimorum deductam accipiente, nuptialesque dies complures ex instituto Regia magnificentia celebrante, quis tandem omnium nostrum reperietur? qui quantum in se positum est, tanta recentis regno felicitatis accessione non lætetur, Regi; potentissimo Dominam & Reginam consortem Regni, non ea qua iustissimum est intimi affectus ac demissionis promptitudine congratuletur. Equidem publico totius

Regni nomine ac voto communi, gratulationes frequen-
tandæ. Hæc enim multum diuque in diuturna orbitate
ac mærore exoptanda Principum cæli Planetarum exor-
ta coniunctio, nihil aliud quàm laudis & gloriæ amplio-
rem Regno florentissimo accessionem, genti Polonorū
liberæ ac bellicosæ maiora contra suos hostes firmamen-
ta, fructum denique stirpis Iagelloniæ Regnorum vsibus
& sceptris relicturam se pollicetur. Sol equidem Rex Pla-
netarum quando cælibem vitam agit, & solitarius est, es-
to ita sit natura sua omnium lucidorum lucidissimus &
clarissimus, vt nihil omnino de aliena claritate somniet
participanda, tamen sine mutuo lunæ conspectu, & per
vices redeunte consortio nunquam ita vt est fere-
nus & benignus videretur, sed ardore suo maximo, pro-
pè omnia sublunaria faceret exarescere. Quod si vni-
uerso cōseruando, ita est necessaria lunaris influxus beni-
gnitas, vicissitudine gratissimâ rerum incrementis, & vi-
tæ apprimè utilis refocillandæ, multò magis Regnorum
diu feliciter conseruandorum exigua vel nulla quando-
que spes conciperetur, si quemadmodum Reges ad Mar-
tem & victorias continuas vel inchoandas vel continuan-
das nati sunt, ita nunquam de sacro coniugio, de spe stir-
pis regnorum & nationum gubernandarum causa relin-
quenda cogitarent. Propugnatore ac Monarcha nostro
inuictissimo, post istam exactam ætatem, quam Deus illi
faciat florêtem, diu firmam, & beatam, post maximos pro
Patria labores exanthlatos, vel sanctissima Parentis sui
olim Regis potentissimi memoriâ, contrà Turcarum per-
fidiam, vel ab illo die, quo ipse post obitum Magni Pa-
rentis, faustissima omnium Procerum & Ordinum Regni

acclamatione, in Regem Poloniae inauguratus, mox caput sacrum pro salute communi, pro statu Regni amplissimo, contra Moschum proditorem obtulit: post istos inquam labores, asperitates, incommoda caeli inclementiae, itinerum longissimorum, bellicae fortunae variantium magna formidine euentuum: tandem diuina voluntate in animum inducente, vt tum publicae necessitati, tum Regiae dignitati conseruandae, amplius se totum impenderet, annuentibus omnibus Regni Ordinibus amplissimis Serenissimam CÆCILIAM RENATAM FERDINANDI Secundi Sacratissimi Imperatoris Filiam, lumen Austriacae Familiae præclarissimum, in Coniugem ducit carissimam. Quis ergo iam vsque adeo frigidus erit rerum tantarum aestimator? quin iubente communi Regni gaudio, ipse quoque claram solennis lætitiæ significationem quantum potest relinquat contestatam. Ratio quidem rectè constituta, libenter in eam concedit sententiam, Maiestatem & amplitudinem tantam, quanta Regum est in terris, omni post Deum Opt: Max: cultu & veneratione prosequendam esse. Reges enim caelesti voce ac lege diuina eliguntur, in quorum vita, factis, consilijs, Supremi Numinis vis & potestas, iustitia, clementia, fortitudo, magnanimitas, beneficentia, ac reliquæ omnes virtutes Regiae fulgent clarissimè. Prudens & cauta illos antiquitas, nequaquam generis mortalium communi forte & loco esse voluit, sed tanquam Deorum suspexit alumnos, quando eos in solio sublimiore collocauit, & tanquam Ioue editos, magno & vero cultu voluit honorari. Nos qui Deos fictitios mera figmenta reputamus, illud pro vero statuimus, maximum in Reges caelestis

stis prouidentia documentum esse, peculiarem ac perennem illorum custodiam, qua à multis communium malorum procellis, quæ in omnes alios sibi quiduis permittunt diuino beneficio conseruantur. Accedit quod ad eminentissimam summæ dignitatis prerogatiuam, accesserunt illis eadem caelesti indulgentia & benignitate, coronæ quibus essent augustiores, tabernaculum, quo conspectiores & sublimiores, sceptræ, quibus libertatis amantiores & vindices acriores, gladius, quo maiores regnorum & populorum propugnatores haberentur: demum leges, arma, præmia, poenæ, quibus subditorum in se amor, fides, pietas, reuerentia in officio continerentur. Hæc omnia nos meritò incitant, vt in Sacra Serenissimi Regis VLADISLAI IV. Domini nostri Clementissimi nuptiarum celebritate, qua maxima possumus animorum, lætitia perfruamur. Cuncti equidem iure optimo ex animo lætamur, & auspicatissima connubiorum fœdera, ominis boni plenissimis acclamationibus prosequimur: Sed præcipuè mater nostra Tua Rex inuictissime alumna & cliēs si delissima, Academia Cracouiē. Tuo isto sanctissimi Coniugij Sacramento mirum in modum recreata, & suauiter vndiquaque refocillata, temperare sibi nec potuit, nec verò Tuam toties in se experta pietatem debuit, quin quo posset conatu & significatione animi, Tuam istam solennitatem genialem, Tuos istos dies toti Regno exoptatissimos & felicissimos ornaret, prædicaret, & quocunque tandem modo concessum est, ex animo cuperet esse ad omne posteritatis memoriam sempiternos. Illa quidem vel pro recentissima Tua beneficentia, quam in priuatarum scholarum magnifica & Regali structura ex-

peritur,

peritur, pro Tua diutissima & florentissima incolumitate, ad altaria tremenda Domini, demissè vota perpetuò fundit altissimo, eaquæ vel ardentissimè ad beatissimum Patris & protectoris nostri D. IOANNIS CANTII sepulchrum concipiens, illud precatur obnixè, vt Te Optimum Monarcham, vnà cum consorte Regni Serenissima, Senatu amplissimo, equestris ordinis dignissimis Proceribus, populis, ciuibus, ciuitatibus, tota Rep. per dies quam plurimos optimos & felicissimos incolumem & beatum sua apud altissimum intercessione ac patrocinio faciat perennare. Te quoque ô Regina Serenissima, eiusdem deuotionis & pietatis memor Academia nostra, in publicarum consalutationum confertissima ista frequentia, promptissimâ demissione venerata, tuam dexteram osculo excipit sanctissimo, precari non desinens, vt ingressus iste Tuus primum in Vrbem, in Regno primariâ, deinde in regnum vniuersum sit eidem Regno fortunatissimus, vt conspectus Tuus placidissimus qui quasi lunæ ad solem suum, inuictissimum Regem nostrum conuersus, omnia nobis pacata, benigna, desiderata, polliceatur. Optamus inquam reuerentissimè, vt vno agmine confertissimo, pulcherrimo, Tecum in regnum veniant, virtutes omnes præstantissimæ, & Heroïna Regali consortio dignanda dignissimæ. Mille ingrediantur humanitatis, clementiæ, gratiarum fauores, quibus fidelissimorum subditorum deditissimis obsequijs, ratione qua par est Reginam Polonorum, velis respondere & magnoperè gratificari. Nostrum erit omnium, à supremo Numine precari, quod maximè volumus impetratum, vt summa

illius gratia & benignitas, quæ priusquam nata fuisses Regno, Te isti amplissimo Reginam designabat, Tuis omnibus votis ac desiderijs, pro sacro Regis Optimi capite, pro incolumitate & successu exoptando rerum Tuarum à Te conceptis; dignetur adesse, Te bonis omnibus accumulans, Te pulchra & regnorum olim digna Coronis prole faciens beatissimam.

Sed ecce prima Charitum Aglaia vultu decoro, oris dignitate modesta & læta prodit, ac demissa facta prono in terram capite adoratione, Te Serenissima Regina sic salutando alloquitur:

*Austriacis Regina potens quæ surgis ab armis
Inclita magnanimo maiorum sanguine virgo;
SAR MATICI salve consors augusta Monarchæ.
Lumine clara graui, & vultu, virtutibus altis,
Indole magnanima, pretioso clara pudore,
Morum & natiuo titulorum clara decore,
Cæsareæq; Domo: quæ lustris mille coruscat
Ac totidem fulget sublimibus ardua factis:
Quorum palma frequens aduersos fortiter ausus
Proterit & solitos digna est geminare triumphos.
Gloria pro quibus est toti sua cognita mundo.
Sarmatica gentis lux, & spes aurea salve,
O Regina Tuo dignissima Rege marito.
Quo cum (demissa à Superis quod mente precamur)
Læta serenatas feliciter exigue luces.
O decus, ô pretium quod non præstantius ullum,
Post Regem Dominum bellator Sarmata fido
Poplite & obsequio veneratur, fausta venito:*

Præsi-

Præsidis comitata Dei, comitata Senatus
Summo consilio, maiestatisq; decore,
Nobiliumq; choris, Procerumq; nitente corona,
Ordinibus lectis auro radiante caterua,
Succedunt acies galeis, armisq; decoræ,
Militis egregij cristato vertice turmæ,
Cum quibus auderet quisquam decernere ferro!
Nos quoque ritè Tuæ comites adiungimur aulæ-
Quæ sumus obsequijs Charites Regina parata;
Demissa autorem regnorum voce precantes,
Vt Tua felici consortia sorte secundet.
Ergo veni exoptata diu post nubila luctus
Tempora perpetui, tempestatesq; sonoras,
Post multas regni lachrymas, ex morte Parentum
Regum confecti, quos alto gloria celo
Subuexit, iussitq; beata sede morari.
Tu noua lux veteres animis depellere curas,
Tu potes hoc celo vultu radiare sereno:
Cynthia latitiæ soli coniuncta Polono,
Letius assurgant sublimibus aurea cali
Pegmata verticibus, vicinaq; sidera terris
Magne Polone Tuis. formoso lumine Titan
Rideat auricomus, solito non astra triumpho
Sed maiore suas euibrent undiq; flammæ.
Tuq; poli vertex, à quo gens clara Poloni
Dicta viget, factis, libertatisq; decoræ
Præsidij, facias ludentes dulce Trionos.
Gratior ecce bonus consurgit ab æthere Phæbus,
Gratior auroræ roseus blanditur amictus.

*Astra sereniferis gratantur lucida ocellis,
Quando Sarmatico primaria sydera caelo,
Luce noua rutilant. Regnum letare Polonum:
Fulgent orbe tuo duo sydera, Cynthia Phæbo
Iuncta comes graditur; solis mirata decorem,
Miratus pariter Lunæ Sol noster amorem.
Spargite iam radios gemmantia sydera vestros,
Collustrate diu spatiosum lumine mundum,
Nostraq; vitali perfundite clymata luce.*

*Ludite Vandalides mea gaudia ludite Musæ.
Personet Aonio modulamine clara vetusti
Craciadum populis cum Regibus ora Vauelli:
Ad solenne decus, meritosq; accedat honores,
Quidquid non solitis recrearet pectora votis.
Quando Sarmatici Proceres ad gaudia, plausus,
Signaq; letitiæ, currunt solennia, Magni
Regis, & optatos certatim ornare triumphos,
Hoc splendore parant, quo fas pietasq; Monarchæ
De Patria meriti, prisco præscripsit ab æuo.*

*Ludite Vandalides mea gaudia ludite Musæ,
Pandite sublimi connubia sacra cothurno.
Quam Regina Tui prælustria gesta Mariti!
Qui genus, & proauos, antiquo ducit ab ortu.
Rerum magnanimâ VLADISLAVS stirpe Iagello,
Fortis bellator, fortunatissimus Heros,
Quem pia syderei complexum cura Tonantis,
In folio Magni voluit regnare Parentis.
Vidisses illum, primis cum surgeret annis,
Phæbum vidisses, Eois cum citus oris,*

Aurea

Aurea cornipedum retinacula fundit equorum.
Cedris vel palma iuuenis formosior ibat.
Vidimus exactis ter senis circiter annis
Florentem iuuenem: sanctas adstabat ad aras,
A Genitore suo sedes quem tertia habebat.
Imperio iam dignus erat rutilantibus annis,
Dignus auiis, atauisq³ suis, patriisq³ coronis.
Mox cum Moschiacis urgebant bella precellis
Rem Patriam: sacri Genitoris castra secutus,
Promptus in arma ruit, magno virtutis amore,
Armigero terrore potens, spes unica Patris
Conspicui; sceptris & maiestate, potentis.
Qui pia pro nato prece blandâ Numina flectit:
Fulmineum seruent iuuenem, solatia Patris,
Spemq³ caram Patriæ, puerum, qui prima subiret
Pugnarum rudimenta minax: his adijcit illud
Militiæ virtus ne quando tanta quiescat,
Sed Regno prosit Patrio, poscentibus annis.
Hæc Pater. At natus galea, clypeoq³ decorus,
Exultante animo, fulgentibus ibat in armis,
Æratas acies inter formosior omnes.
Mirata est iuuenem posito Bellona furore,
Picta genas, hastam dextrâ clypeumq³ remittens.
Mars quoq³ dixit: Erit meus hic insignis alumnus,
Dignior antiquos inter radiare Dynastas.
Quem post mille graues pro cara gente labores;
Æternum gemino cantabit gloria mundo.
Sed quid in arma feror, quid prælia mente reuoluo,
Quid bona sanguineis consumimus otia bellis?

Ludite Vandalides, mea gaudia, ludite Musæ,
Quo duce sublimes animi properamus in ausus,
Pulcher Apollo faus : gemmantem carmine læto
Fac resonare Chelyn : prædulcia vota loquentem.
Quo desiderio diuturnis anxia curis
Suspectabat amans, sociandi fœdera Regni
Patria : post multas en aduenit aurea tandem
Lux releuans curas, Et quæ solatur amantem,
Fortunata venit gressu Regina beato.
Fulgeat illustri, sertum virtutis honore
Desuper impositum capiti, quod pulchra reuinxit
Gratia, millenis virtutibus ampla serenis.

Ludite Vandalides, mea gaudia, ludite Musæ,
Salue sydereis decoratum doribus agmen,
Herdæ, quos læta dedit Germania, nostro
Vicinos regnoq; beata sorte locauit.
Quos sua laus summo illustres subuexit Olympo.
O magni saluete Viri, socij q; Poloni,
Quos non ambigue vestros habeatis amicos.
Nam modo quæ vestra est pietas, candorq; fidesq;
Cæsareaq; domo reuerentia digna sacrata,
Clara boni documenta datis, quo sitis amore
In Regnum, Regemq; simul, Procereq; Polonos.
Quando Lechiaci Coniux clarissima Regni,
Ducitur à vestris primoribus atq; Dynastis;
Quo splendore decet comitatam Cæsaris almam
Progeniem : obsequijs faciles cultuq; probatis.
Quod genus officij, defixum mente manebit,
Fortia Sarmata firmando pectora amore,

Ludite

Ludite Vandalides, mea gaudia, ludite Musæ.
Limpida Pontifices vitreo de fonte feratur,
Palmis unda pijs, loti reuerenter ad aras
Numinis æterni consistite, mente quieti:
Tempora diuinis redimiti ritè tyaris
Atq; eat in cælos sublimibus hostia votis
E manibus puris: cæli regione vocata.
Gratia larga nouis alto poscatur Olympo.
Coniugibus; sanctoq; animos populetur amore
Primitias Domino prompti statuatis, Et ydem
Flectite sollicitis precibus pia Numina, votis,
Imperium florens vt conseruetur ab hoste
Bisthonio, crebrò validas moliente procellas!
Vt sua VLADISLAVS Rex inclytus, atq; RENATA
Confors, felices regnando temporis annos
Connumerent, olim Regali prole beati.

Hæc utinam vota omnium nostrum animis concepta,
summa æterni Imperatoris annuente benignitate adim-
pleantur. Quæ enim bona maiora, desiderio sanctiore
possumus exoptare, cum Sereniss: Regi nostro; & perau-
gustæ Reginae, tum Patriæ & Regno vniuerso florentis-
simo, quam vt immanissimi hostis & Tyranni, frequen-
tem insidiatricis versutiæ calliditatem; qua ad omnes
excubat captandorum regnorum opportunitates, excelsi
dextera & virtus, diuinissimo suo præsidio auertat & re-
primat: quam vt summam beatiorum temporum sortem
& tranquillitatem consecuti, studia pacis, concordia, vir-
tutum omnium, ad honorem Diuinum excolentes, sin-
guli artes & operas nostras ad eas cogitationes referamus,
quæ

quæ ciuitates imperiorum, & Respub. efficiunt beatissimas: tandem vt vnà cum exordijs sanctissimi istius matrimonij Regalis, in eam spem Regnum concedat vniuersum, ex hoc nexu & vinculo affinitatis Austriacæ confirmato, prolem Diuina gratia & voluntate Regiam, quæ in spem regnorum Europe concedat non defuturam. Quæ singula benè atque feliciter cupimus euenire, & quantis possumus desiderijs apprecamur. Nunc dies sacros connubiorum, pietate hoc à nobis in conseruatorem Patriæ exigente, qua maxima possumus festiuitate, applausu, acclamationibus vitam felicem ac diuturnam vouentibus, omni deniq; studiorum, omni congratulationum pompa & frequentatione celebramus. Quæ animorum hilaritate multo omnium gratissima & exoptatissima, si quis animo non commouetur, procul isthinc exulet, eat quantocius ad Garamantas, citò, citò, eliminetur, dispareat. Reges Parentes & propugnatores nostri sunt; cum illis in aduersis mærore confici; in lætis & prosperis, lætari decet maximoperè. Erat hoc diu in vobis Regni Poloniae florentissimi, vt post solennem illam S. R. M. inaugurationem, Cracouiæ in Vrbe, in Regno Principe, Anno suprà millesimum, sexcentessimum, Trigesimo Tertio, Sexta Februarij felicissimè celebratam, & qua decebat Regiam Maiestatem solennitate peractam, de Regia consorte Regni necessario ornamento, & maximo præsidio, summa fide & contentione Ordines Illustriss: cogitarent. Sed ecce tandem illuxisse tempus maximè omnium exoptandum aduertimus, quo tanto splendore, tanto comitatu, Regia coniuge

iugē dignissimo, tanta ad congratulandum, ad inseruiē-
dum Regni vniuersi effusa promptitudine & alacritate a-
nimorum, tanta publicæ Maiestatis & Regni, cohone-
standi æmulatione, contentione, tot passim Ordinibus
vndiq; concurrentibus, tot iterum à fronte, à tergo, No-
bilitum & Procerum studijs accurrentibus, vno verbo to-
ta Regni vniuersi in occursum festinante amplitudine
(exceptis duntaxat optimis Ciuibus & cohortibus lectis-
simis pro salute Patriæ ad fines Podoliæ excubantibus)
Serenis. CÆCILIA RENATA Regina Polonorum VLA-
DISLAI IV. confors Augusta summa omnium gratitu-
dine, demissione, excipitur, consalutatur. Hæc si alicui
non maxima laudis & lætitiæ argumenta videantur, nulla
vnquam maiora & pulchriora se crediderit experturum.
Quæ enim communibus omnium votis expetuntur, ea
necesse est illustria sint, splendida & magnifica, atq; extrā
omnes mæroris & aduersitatum nubeculas posita; idcir-
circò lætissima, gratissima, omnium exoptatissima. Ma-
ximarum gentium publico, & communi consensu ad cō-
munem inclinato lætitiā; Cæsaris & Regum inclyto
sanguine in sacrata federis exoptandi eunte consortia; diu
exoptatā illustri voluntatum colligatione mutuas sibi ob-
sequiorum, & beneuolentiæ significationes, & studia sa-
cro sanctè ac laudabiliter promittente, confirmante; sanè
iām nihil deest, quod ad splendorem Regni illustrius, ad
æternitatem gloriæ, & fructum laudis capeffendum, ex-
cellentiùs, iucundiùs, ad immortalium factorum & re-
rum gestarum memoriamq; nominis conseruandam, co-
gitari posse videatur magnificentius, sublimius. Bellicæ

laudes magnæ sunt illæ quidem, sed luctuosis frequenter
redundant purpuratæ cruoris humani eluuiionibus, in
quibus male sana fortunæ temeritas, tantum sibi potest
& solet arrogare, quantum non sæpè virtus animosa au-
deat postulare. Verum agatur res summo consilio, acer-
rimo prudentiæ militaris oculo, maxima, minima, circum-
spiciantur bellorum incommoda, feliciter pugnando cū
hoste, ac fortiter dimicando vincamus, hostes primores
catenatos abducamus, ad currus trophæis destinatos ma-
gnificè circumponamus, habenis & locis circumquaque
colligatos, currum trahere patiamur, quis tamen illo spe-
ctaculo tantum lætabitur, quin simul in aliam partem re-
flectat animum, ad commiserationem captiuorum, bel-
lorumq; artes vocet iniquas & crudeles, quæ tantum cō-
ditionis humanæ dignitatem, & naturam animorum cæ-
lo debitorum natura sua quodam modo exuentes norint
deprimere atq; deprauare. At hic nulla extat cruenta di-
micatio, nulli occurrunt victores laureati recenti sangui-
ne formidabiles, omnia pacata, tranquilla sine vllō nœuo
tristitiæ veri gaudij plenissima. Si quæ sunt animorum
vincula, & iucundissima colligatio; hæc tota propendet
ad confirmandam concordiam, ad renouandam veterem
amicitiam, ad fædus & consensionem perpetuam ineun-
dam, contra barbaros, contra hostes incredibili odio Re-
gni deflagrantes, contra omnem fraudem & proditionem
impetu furibundo ex aduerso inuolantem, & quod om-
nium primum est & maximum, ad propugnandum cultū
Diuinum, & honorem supremum, ad Religionem veram
Catholicam S. Romanæ Ecclesiæ autoritate firmatam,
promo-

10
promouendam & amplificandam. Hæc si parua sunt, quibus nihil est sub sole maius, quid tandem magnum & præclarum erit? At verò hæc maxima sunt, idcirco maximâ præbent lætandi occasionem. Hinc meritò incitant animos ad congratulandum, tum ad summam Deo Opt. M. gratiarum actionem persoluendam. Cracouia quidem Regni Metropolis, quantum recreata gestiat ex aduentu & conspectu Reginae desideratissimo; verbis ego non facile expressero, verbo dicam, quidquid in se continet pretiosum & magnificum, quidquid visendum, & oculis Serenissimæ Reginae dignissimum, id totum referat, recludit, quo magis testatam cum demissione obsequiorum suam relinquat animi gratitudinem. Quid autem habeat post Deum pretiosius, quàm gemmas & vniones Sanctorum Corporum & Reliquiarum longè omnium præstantissimos & beatissimos, ad quos vrgentibus quibusuis aduersis tanquam ad asylum incolumitatis & arcem bonæ fiduciæ confugit tutissimam. Istis rosetis & rosis suis odoratissimis nihil est tota ista vrbe post honorem Dei ac Deiparæ Virginis maius, nihil sanctius, nihil quod in conspectu Domini, pro Regni statu vniuerso, & incolumitate odorem fundat omnium gratissimū, & suauolentiæ fragrantia selectissimum. Luminare maius istorum est D. STANISLAVS Episcopus Cracouiensis factus Martyr pro gloria Dei & veritate gloriosissimus, Phænix Episcoporum, & norma ac regula vitæ, & omnis perfectionis eorum. Regni SARMATICI Protector ac Patronus apud Deum feruentissimus, beneficentissimus. Mons Vauelus antiquissima Sedes Regum & Monarcharum

rum Polonorum, sacrosancto illius Reliquiarum honore
decoratus, se ipso est splendidior & angustior, istiusq; the-
sauri sacrosancta depositione orbi vniuerso clarissimus
fama redditur, & prædicatione sempiternus. Eia Regina
Serenissima, quæ Tua & Austriadum pietas est, non ob-
scura, pro felicissimo rerum Tuarum successu, sic ad tu-
mulum magnificâ beneficentia coniugis Tui Regis VLA-
DISLAI ex argento puro conflatum, hîc inquam vota
Tua mente ac spiritu feruidiore funde altissimo; quò fe-
liciora Tuis progressionibus apud Dominum præsidia
impetret, ac ipse quoq; Patronus vitæ ac Coniugij Tui,
& omnium actionum velit esse præsentissimus; in vota
propitia, Regali Tuæ mentis demissione inclinatus. Cir-
cumstat hunc Clerus sublimioris dignitatis, Episcoporum
Regni Poloniae seminarium, Perillustre Capitulum, imò
Capitolium Ecclesiæ Cathedralis Cracouiens. Prælati Ca-
nonici præcipua pietatis in Deum luminaria & ornamen-
ta, quorum singuli quid volunt aliud, aut in quo præci-
pue contendunt, quam vt quemadmodum ipsi sunt Vr-
bis Ecclesiæ Cathedralis pars primaria, ita primario Re-
ginam & Dominam suam cultu & honore prosequantur;
illud adiungentes, se fore atq; iam esse, apud Deum, & san-
ctum, Præfulē suum pro sacro Tuo capite, proq; commu-
nibus cū Sereniss. desiderijs feruentes Oratores. Succedit
Mater mea Iageloniana Academia, Quid enim illa ne sola
taceret, aut ad hanc solennitatem ornandam non prom-
pta accurreret? Nihil minus cogitandum est, non vsque
adeò ad vitæ solitudinem & insensibilem quandam ferita-
tem proiecta est, Stoicam illam seueritatem non ambit,
sed

Sed Socratica magis delectatur amœnitate. Est enim domicilium & magistra virtutis, officiorum, disciplinarum omnium, nouit bene quid cuiq; honoris impertiendum sit, multò magis Regis Optimi & beneficentissimi, ac suæ Coniugis Augustissimæ solennitati condecorandæ, quantum debeat secum faciliè recognoscit. Optat quidem certè atq; cupit ex animo; idemq; à Deo O. M. Beatissimi Patris sui & Patroni ope ac subsidio adiuta precatur, vt Regno Poloniæ suus splendor, dignitas, & felicitas maneat perpetuo: vt Serenissimo Regi Domino nostro Clementissimo, vnà cum Serenissimâ Regina, tum iste ad sacrum Coniugium ingressus, tum progressiones omnes, optatissimis desideriorum euentis & successibus respondeant: vt virtus altissimi & gratia, quod cuncti supplices imploramus; vtriusq; maiestatem, & domum Regiam vniuersam, rore suæ benedictionis perfundat sempiterno. Præstò quoq; adsunt vrbs istius Viri consulares Clarissimi, ciues ac subditi sui Regis fidelissimi, omnes isti in hoc vnicum incumbunt, vt tum ipsi per se, tum per omnes ciuitatis Ordines, ingressum ô Regina Tuum splendore ac pompa solenni faciant celeberrimum. Eorum sedulitate & opera, lectissimæ iuuentutis Ordines, & agmina ornatissima, splendore quo possunt & cultu maximo, in occursum Tuum deducuntur. Plateæ omnes ad festiuitatem ingressus decorandam ornantur, arcus & portæ genialis diei indicia cælum versus eriguntur, Symphonix gratissima passim resonat harmonia, tubarum viua concentus certatim interponitur, murmur tympanorum non infrequens, aures; faces, & ignes cælo sub-

uolantes artificiosè projecti, oculos præstringunt; hilares plausus, ouationes, acclamationes faustæ, & bonorum plenæ verborum passim exaudiuntur. Iam vero Clerus in tanta ac tam pia Vrbe tot Ecclesiarum numerosissimus; nonnè feruenti precum ope aduentum & Coniugium tantum Domino commendat? Quid tot Familiae Religiosissimæ! eorum qui se peculiariter votis arctioribus æterno Dei seruitio mancipauerunt, nonnè pias preces fundunt, & vota feruenter concipiunt? quibus mota summa illa Maiestas, ac in benignitatem inclinata fortunatissima rerum tantarum initia, & omnes in Regno successus optabiles elargiatur. Ita vniuersam Cracouiam, cum suis omnibus Ordinibus, ex aduentu & conspectu Tuo amplissimo, incredibilis gaudij & lætitiæ bono perfrui par est; lætamq; effundi in occursum magnificum, & quidquid possit ad solennitatem excogitare, decorandā. Sed illa mox inuita, & oculis præ amore lachrymantibus, Te ex complexu suo discedentem intuebitur, & vni^o diei ex conspectu Tuo Serenissimo tanquam Pyraustæ gaudio recreata, Te suum delictum, dictu mirum quanto affectuum & animorum desiderio prosequetur. Stetit enim per sapientissimam Serenissimi voluntatem, Senatusq; ac Ordinum Regni consensum communem, vt Varsouia Regiarum Nuptiarum solennitate (inuidente sibi Vrbe principe) ornata & recreata perfruatur. Progredere igitur felicissima, ex hoc antiquo Regum Polonorum domicilio, Vrbeq; clarissima, in illam quæ nostris temporibus ob summas Regni & Reipub. commoditates à Polonorum Rege incolitur ciuitatem, in ea dies felicissimos
quam

quam plurimos beatissima exige, in ea ad sacra nuptiarū
ac dies geniales, ea qua par est Regni gloria atq; celebri-
tate, magnificentia peragenda ingredi, in ea inquam
Regni sede atq; vmbilico, omnibus vndiq; diuinis circū-
fluas florentissima benedictionibus, ad vota animi tui
fluentibus. Hæc dum nos votis & studijs ardentissimis
concipimus; altera Charitum Thalia præses viriditatis no-
mine Cracouiæ, Serenissimam Reginam ad manendum
diutius inuitat, quod cū præstari non posse aduertit, ip-
sa amplissimo Serenissimæ Comitatus adiungitur.

*O quæ canto bona, ô diem perennis
Plenum lætitiæ, bonum, auspiciatum.*

*Lux hæc vel niueis nitescat auris,
Vel seclis radiet notanda seris,
Qua Regina tuas Vauelle visit,
Fausto diuitias oculo & auras.*

*Sacris diuitiis opes beatas,
Sancti Præsulis, ô beatiores
Auro, Chrysolitis, opes Beryllis.*

*Quas supplex veneratur ore, mente,
Lux hæc sidereas eat per arces,
Qua Regina nouam reuisit Urbem,
Fausto sydere conditam, vetusti
Craci, templa notat benigno oculo,
Summa ex arce procul virore gratam,*

Quæ Varsoua iacet pererrat oram.

Sed quis nuncius aure pulsat ima?

*Quæ vox spargitur haud mihi audienda?
Discedit mea lux, decus beatum?*

Discedit

Discedit? mihi nunciū ō dolendi
Festinat decus Urbis & Vauelli,
Arcem linquere tristis ō Vauelli.
Quo tristes animi leuabo curas!
Vix dum mirifico reſecta plaſu.
Discedit mea lux decus beatum?
Quæ me ſollicitam perambulabunt,
Cum luctu lachrymæ dotorꝝ acutus,
Discedit mea lux relinquit orbam!
Me Regina relinquit? & Penates
Optandos graditur, celer videre?
Ibunt ergo mei meo decores?
Conſpectu procul & citis recedent
Iam iam gressibus? alta iam reuiſent
Arcis culmina ritè comparatæ.
Quo tandem celeres mei decores?
Quo pulchro properatis ire curſu,
Cælo Craciadum? relictæ flebunt
Pulchri pegmata cespitis ſacrata,
Flebit mæſta ſui decoris expers
Vrbs antiqua, ducis potens vetuſti.
Quo tandem mea lux beatiore
Quo lux aurea quo gradu recedis
Quo tandem mea lux decora pergis?
Sic vos Craciadum rogatis oræ
Primores animis & ore pronò
Augustum decus arce tam vetuſta
Tam ſancta maneat decus rogatum.
Si quid vota pia valere mente,

Conceptusq; animi labor precantis
Possunt, supplice voce comprecamur,
Cursus tam celeres parum retarda
O Regina, Parens amana, grata,
Vultu magnanimo, parum morare
Grato Craciadum solo nitescens.
Heu nullis precibus mouetur alta
Mens, nec flectitur infimo rogatu!
Ciues pellite liminum superne
Summo vertice pessulos morantes:
Optantem veniet Monarcha ad urbem.
Sed fas non patitur quod ipse sanxit
Inuento violare non probando.
Da calum pluuias, manebit alta
Regina arce sui beata Regni.
Sed non proficio arte, nec precum vi,
Discedit mea lux decus beatum,
Heu me quam properè decus recedit.
Sancto germine, nata Virgo, Sanctis
Virtutum numeris decora, prudens,
Tanto Cynthia digna Rege sole.
Fulgens Cynthia solis ad Penates,
Latos approperat, celerq; vadit.
Sed iam quando lubet beata perge,
Latos progredere alta per recessus,
I clarissima gressibus beatiss,
Felicissima perge, quà Poloni
Rident solis opes, beata perge;
Tantis ecce comes feror triumphis.

*Speciatrix eo clara, leta, prompta;
Iam visura lares beatiores.*

*Magni Lechiadum Soli Dynastæ
Formosum genus alta cura Diuum.
Eia quo Domina potestis ausu,
Ornetis Parijs iter Pyropis,
Et ostro Tyrio, Stapete picto,
Et quod Gaza recondit ima: lucem
Hoc totum aspiciat decore grato.*

*Musæ delictum chori quieti,
Diua Castalidum virore gratæ,
Cantus & Cytharas amantiores,
Cælo flectite personent Polono.
Primus pulcher Apollo voce pulchra
Cantus incipe: tum Chelys canorum
Toto personet æthere & recantet.
Te nouena cohors libens sequetur:
Sic cantu recreentur arua grato.
Quicquid forte noua Parentis almæ
Naturæ fieri potest; agatur.*

*Campi purpureo colore grati,
Latifundite flosculos olentes.
Vultu puniceo fauete colles,
Narcissos, violas rosas, corymbos
Passim deliciosa flora sparge,
Campis floreat omnis herba lætis.*

*Præstantes Zephyri impetus minaces,
Mandate esse procul, faue Fauoni
Flabris lenibus asper afflet Auster,*

Stridens

*Stridens Africanus, & Corus recedant;
Totum Etesia flabra iter coronent.
Lenes o Zephyri Notique flete.*

*Fauni cum Satyris casae inanes
Vestras linquite, ferte ferte prae,
Baccis & teneris viam comantis,
Sylvae frondibus ocius virentem,
Pulchra neclite flexione & arte.
Laeti diuitias beatiores.
Villarum date pace floridarum,
Fructus arboribus recenter actos,
Tantas lactis opes boni libenter
Ferte o ruricola laborum alumni,
Amnes spumiferi lacus liquentes,
Riuus quos vitrea scaturientes,
Fundit flumine fons benignus imo,
Montes arboribus siti decenter,
Horti, gramina, fertiles agelli,
Vestras singula nunc amantitates,
Porrecto ordine collocate: gressus
Qua Regina suos Polona flectit.
Quicquid terra ferax sinu beato
Quicquid continet hoc Regnum decoris
Innatum acceleret decori honorem.*

Hæc Thaliæ Charitum alterâ in discessu, leuandi ex via
maeroris causâ occinente, nos quoque boni & fausti omni-
nis gratiâ tertio par est accinere. Tectis ergo iam Varso-
niæ, & Arcis Regiæ magnificè collucentibus propugna-
culis, tanto in summa fastigia splendore deductis, tum

D 2

deniq;

deniq; redintegratis animos omnium gaudijs necesse est
recreari, ac noua ex confecto feliciter itinere perfundi
lætitiæ hilaritate. Varsoia quidem quæ ex paruis inijs
propter Regum sacrosanctam Maiestatem, Senatus & e-
questris Ordinis dignissimam ad latera Monarchæ præ-
sentiam, nunc vsq; eo sublimata inclaruit; dictu non est
procliue, quantum noua propter aduentum Serenissimæ
Reginæ lætitia colliquescit. Quid faceret aliud cliens in
aduentu Patronæ, famula quando adest sua desideratissi-
ma Heroïna, tanto tamq; solenni & festo comitatu in no-
uam deducta maiestatem. Meritò ciues optimi lätami-
ni, meritò cum tripudijs & festa Symphonia agitis dies
lätissimos, meritò hac vestra recenti sorte ac felicitate ex
nuptijs S. R. M. obtentâ, cum primaria regni vrbe in cam-
pum & contentionem descenditis, cum etiam cultu, splē-
dore, apparatu rerum omnium, annonæ & eorum quæ v-
sibus vitæ humanæ inseruiunt sufficientia certatis & ve-
ritate. Eia lätissimis ergo omnes Ordinibus procedite,
Reginam Augustissimam reuerentissimè salutate, eandē-
que in Vrbem Regiam Regalibus ceremonijs, ac in arcem
sua magnificentia Dominam suam inuitantem honorifi-
centissimè deducite. Ecce tandem in loco destinato
diuinitus **ô REGINA** Serenissima constitimus.
En ista est sedes Maiestatis Regiæ dignissima, in qua Se-
renissimo **VLADISLAO IV.** Coniuge Tuo delicio-
sissimo, Rege ac Domino nostro Potentissimo residente,
vnâ etiam residet subditorum in libertate maiorum suo-
rum enutritorum, in suam Monarcham verus amor, fides,
beneuolentia, cultus, candor, innocentia, & illa pietas,
quam

quam nullis vellent esse contaminatam maculis proditorum: residet vis & maiestas, quæ formidolosâ hostes acerrimos, cum Dei manus auxiliatrix voluerit, reprimere vallet potentiâ: residet ea virtutis bellicæ & præsidiorum comparandorum commoditas, quam optamus diuturnam esse, & ad memoriam posteritatis commemorabilem. Felicissimis igitur in hanc Arcem auspicijs florentissima ac fortunatissima progredere, patent reclusæ portæ omnes, & Te Dominam post itineris non breuem defatigationem, ad conquesendum recta splendidissima inuitant. Nam & isti ipsi parietes domicilij speciosissimi, omnisque structura illorum pomposè irradians, tametsi sensu carent, lætari tamen videntur, ac vultu sereniorè ad conspectum & oculos Tuos pudicissimos arridere. Faxit æterna benignitas, vt Tu quoque annos ridentes, hoc est lætos & beatos experta; cum Monarcha nostro victoriosissimo, diuina eiusdem gratia & benedictione patrocinate circumfluas. Communi ergo ac toto Regno peruagata lætitia; ad eius accessionem facit quamplurimum; si quod olim in Græcorum conuiujs institutum vigeat plausibile, apud nos hoc tempore summo studio renouetur. Illis in confessu publico virtutes, merita, laudes, & stemmata maiorum ad Cytharas decantare, instar magnæ solennitatis erat: nobis idem in prædicatione vtriusque domus præstandum esset, nisi hoc ita grande videatur negotium? quod integram verius ætatem, & summo vsu rerum confirmatam eloquentiam postularet. De virtutibus quidem nostrorum sæculorum Regum & Imperatorum illud dicere fas est, splendorem earum ex ipsa diu-

turnitate colligi & accrescere. Quæ citò intereunt aut leui momento variant fucata sunt; virtutis ratio æqualitate longiore manet constabilita, & vt ille inquit aterna, claraq; habetur. Hæc bonorum tantorum prærogatiua, si vspiam minimè fucata, & leui casu mutabilis cessitat, id in domo certè Austriaca, & serie lagellonianæ Prosapiæ clariùs perspicitur. Variarent imperantes successione, aut electione pro consuetudine Regni aut Imperij, verum à solido cursu laudis nusquam deflectunt, neque genuina maturitate defraudantur. Magnos mundus vniuersus fuisse clamat Pompeium Cæsarem, Scipiones, Decios, fortitudine, bellicâ prudentia, amore in Patriam, deuotione pro eius incolumitate: fateor Magnos fuisse, verum si cum nostri temporis summis Regum & Heroû virtutibus conferantur, paulò minores erunt comparati. Sed ego geminam modo Familiæ sublimitatem confero, Austriacam & lagelloniam, & monstro quasi duos Planetas supernè collocatos; duo sydera æqualis magnitudinis, non ficta vlla metamorphosi, sed vera & legitima affinitatum & Sanguinis coniunctione, tot annorum nexibus confirmatâ coiuisse, coaluisse. Diuina vtriusq; initia, diuinæ progressiones, diuinus honor, & sempiterna summæ virtutum & meritorum in vniuersam Christianitatē propagatio. Minores fortasse erant seipsis, amplitudine imperij, victoriarum frequentia; tam eminenti vt modo est Maiestatis gloria: at virtute, magnanimitate, magnifico robore, Religione ac pietate; alijsq; pulcherrimis Imperatorum studijs & artibus, hodie summa eorum nominis amplitudo, in omnes orbis partes deriuatur. Floruit
semper

semper Domus peraugusta Austriaca, vero in Deum cultu & sanctitate promouenda, propugnanda, cuius quasi quoddam symbolum esset perpetuum, quod ad contictū atq; dimicationē descenderet pro Dei gloria potius, quam pro amplificatione Imperij; & bella gereret, vt Ecclesiæ sanctæ veritas, firmitas, vnitas conseruaretur. Et Regnū Poloniæ cum suis Regibus, & si non vsq; adeò res omnes erant à principio cultæ, pomposæ, magnificæ, nonnè tamen vbi eis primum lux est cælestis oborta veritatis, in eam multò amplius Principes & Reges sui incubuerunt propagandam. Nimis aperta loquor, Basilicæ hoc tanto sumptu ædificatæ contestantur, & illa gladiatorum Euangelij sacri tempore euaginatio; quo Poloni Regum suorum instituto profiterentur, se pro illa veritate, diuinis expressa oraculis, millies occumbere, & sanguinem cum vita profundere paratiores esse, quàm vel latum vnguem ab eis deflectere. Illos autem ritus Diuinos vnde quæso potius, quam à Regibus suis didicissent. Vtraque igitur Domus fidei & veritatis Catholicæ semper extitit propugnatrix religiosissima.

Maiores autem vtriusq; Domus quàm felix, quàm numerosa, quàm Diuina propagatio, à primis inde vsque exortus sui temporibus deriuatur? Mitto deductam ab ipso Hercule originem; recentiorum agmen vno quasi obtutu confidero. Miramur in Domo Austriaca semper Augustissima, Leopoldos, Christianæ Religionis accessione procurandâ tantum insignes, vt perpetuò Dei seruos, & Diuina verò amore complexi tuerentur; tantum virtute Martia præstantes; vt hostes eam abundè fuerint
exper-

experti. Fridericos, in rebus maximis summo vſos con-
ſilio, magnanimitate, ſapientia, fortitudine. Maximilia-
nos iuſtitia, clementiâ, artibus belli & pacis eximios. Ru-
dolphos, & inprimis Comitem illum Habſpurgenſem il-
liuſq; omni æuo memorandam pietatem; quæ ita viua in
illo Diuino pectore reſidebat. Quid mirum proſtigata ab
eo ad Siſſecium hoſtilis Turcarum exercitus viginti mil-
lia; item ad Albam Ianizerorum millia fermè quatuor-
decim; cum quo Deus Opt: Max: cuius ille tantus cul-
tor eſſet, in omni bello & omni ſua actione præſtò adſuiſ-
ſet. Philippos, adiuncto illo qui Hispaniarum Rex erat
maximus, ab Auo & ſuis atauis Cæſaribus ipſe quoque
Cæſar; qui ſi nulla virtute inſignis haberetur, quibus plu-
rimis & ſummis ornatiffimus erat: tamen vnico Filio CA-
ROLO Quinto æternum claruiſſet, Imperatore Iuſtiſ-
ſimo, auguſtiſſimo, bellicoſiſſimo, cuius laudum & com-
mendationis breue ſuffecerit argumentum, illum 28. Re-
gnis ampliſſimis præſuiſſe, atque feliciffimum omnium
egiffſe moderatorem. Illius P L V S V L T R A ad Gades
& columnas Herculis bellica gloria propagata, occinit
æternitati, glorioſum triumphatorem. De illo ſuus Illu-
ſtriſſimus Conſiliarius ingeminabat; ei multò excelfiores
fuiſſe animi cogitationes, & pectus ad ſuſcipienda quæq;
fortia paratius; ſtatu illo ſuæ Maiestatis ampliſſimo. Quid
FERDINANDOS, an non ita vt par eſt venerabundi ad-
miramur? quorum alij ea vitæ florebant ſanctimoniâ, vt
diem exitus ex hac vita ſuorum reuelatione tutelarium,
cognoſcerent ac prædicerent, alios eorum tot virtutum
& rerum geſtarum trophæa, toti mundo Auguſtos verè
Impe-

Imperatores reddiderunt. Illorum gloria, tam firmis & solidis fidei & Religionis Catholicæ firmata fundamētis, vnà cum mundi annorumq; omnium cursu permanebit. Imò orbis aliquando euanesceat, sed virtutes Sacratissimorum Imperatorum, Summus cæli Imperator, æternitatis in sui clara visione præmijs coronabit. Quid autem? nonnè multa similia in Domo Jagelloniana, commemoranda Virorum & virtutum præconia, præstò habeamus? Annalium mihi monumenta omnia, iam ad finem collimanti; huc omninò essent transferenda. Sed quis hæc apud nos ignorat? cuius interest, vt ea perspecta habeat: Igitur verbo tango, & cortice nuclei Iliadem totam inuoluo; VLADISLAOS JAGELLONES, quibus literæ Sarmaticæ omnes, quidquid sunt & possunt, totum id in acceptis referre, nisi teneri se confiteantur, erunt ingratis. Academia quidem Cracouiens: æternam pijs manibus precata felicitatem, & Dei gloriosam in Patria visionem; totum quidquid continet, æterno diuino in hoc Regnum beneplacito & consilio: tandem suo fundatori, debere se confiteretur. Equidem ille rectè inquit de nostro fundatore gloriosissimo.

Quam multa in Regno struxit delubra Polono,

Monstrat gymnasium sat puto Croca tuum.

Quid? Ergonè vnica in Regno Poloniae Academiâ à Magno olim VLADISLAO Jagellone fundata & constitutâ, eadem operâ templa, & domus sacrae sunt exædificatae innumeræ? sanè sic, longo enim ac felici hinc ordine prodeunt Ciues optimi; qui Numinis æterni sunt cultores & veneratores candidissimi, feruentissimi. Sed

literarum tantum decus in Regnum introductum illum Regem ornauerat? imò ornat hucusque memoria præclarissima meritorum in Patriam, & rerum gestarum eximia celebritas. Nam

Rege sub hoc memorem suscepit Prussia cladem,

Sæpius & rigidus concidit ense Getes.

Alter VLADISLAUS flos ille Regnorum duorum Poloniae & Vngariae, nonnè gloriosè pugnauit cum hoste immanissimo? imò etiam gloriosè pro caris Regnis pugnando procubuit. Mox CASIMIRVS Iagellonides in Regem post Fratrem electus SIGISMVNDI Primi Pater: quem satis quina proles trium Regum, ac duorum Principum, ornatum, posteritati commendauisset.

Mirandum autem non est, quod non est inusitatum, eludi non rarò Reges bellatores, fortunæ temeritate, omnia benè inchoata, pessimè inuertente. Ad Varnam noster ille fusus? quid tum? & Regum quisq; eo animo ad bellum descendit, vt vita & sanguine si vsus poscat, Patriæ charitati parentet. Ad syluam faginam IOANNIS ALBERTI parum optandus conflictus memoratur, sed ille stetit vel vicinorum perfidiâ, vel delicta hominū Diuino puniente consilio.

Subsecutus ALEXANDER Iagellonides, domi æquitate, foris armorum præstantia, Rex commēdatissim⁹. Fratrum Regum vltimus erat SIGISMVNDVS I. cuius virtutes, & rerum gestarum memoria, illo versu conseruatur.

Ciuibus externisq; mea est clementia nota,

Consilium, grauitas, religio, atque fides.

Pax

*Pax mihi cara fuit, tamen haud me impunè laceffit
Teuto, Liuo, Moschus, Turca, Scythæ, atque Getes.*

Patri optimo successit SIGISMUNDVS AVGVSTVS, puer etiamnum à Polonis in Regem expetitus. Ex hac linea Domus augustæ, sequuntur SIGISMUNDVS, bonæ & sanctæ Rex memoriæ, & is ipse, qui rebus & Regno Polono præest, moderator felicissimus VLADISLAUS IV. Nam ex Catharina sorore Augusti & Ioanne ERICI Suecorum Regis fratre Duce Filandiæ SIGISMUNDVS III. procreatus. Iam Erici & Ioannis maiores fuisse Reges armis & pace præstantissimos, non ambigunt, qui Historiam rerum gestarum magistrâ diligenter euoluunt. Ita verè SIGISMUNDVS III. Polonis à Deo Rex destinatus regnavit, vt Regem Polonorum regnasse oportebat, summa sanctitate, fide, iustitia moderatione, felicitate, vsu rerum tanto, quantum Rex grauis & sapiens, tot annis regnando poterat collegisse. Tu VLADISLAE Rex Potentissime, singulari Diuina benignitate ac prouidentia, folio & Regno paterno regendo conseruatus es, filius illius Regis Optimi natu maximus, Patre etiam sanctissimo superstitæ, de re patria & Regno vniuerso meritissimus.

Tuæ igitur Sacræ Regiæ Maiestati, sanctam Diuini Matrimonij Felicitatem propensissimis gratulati animis & votis; à Deo Opr: Max. supplices precamur, vt vnâ cum aduentu Serenissimæ CÆCILIAE RENATÆ, Coniugis Tuæ sacratæ, renascantur Regno Polono; ac inprimis Tibi, eius Parenti Optimo, quæcunque boni omnes, ad communem Regni & gloriæ Tuæ amplitudinem pro-

pagandam, Tuamque apud omnem posteritatem. immortalam memoriam longè latèque promouendam, vigere, ac florere desideramus.

Sed iam res ipsa ac tempus admonent, vt vltimam Charitum Euphrosynen canentem audiamus.

*Affurge felix gaudiis regnum nouis,
Latoq; plausu, tange sydereas Domos;
Cum Rege Magno, Lechi gens o inclyta:
Serenior iam fulgeat Phæbus Tuis
Regionibus; quas Vistula alluit minax.
Spectate Reges quos videt surgens dies,
Quosq; Pelago se conditurus aspicit,
Regina Sacræ maximum decus Domus,
Consort Monarchæ inuecta curru diuite,
Gemmis & auro parte qualibet nitet;
Quicquid decoris debitum est magni Laris.
Iamq; arce summâ constitit, florens, grauis
Regina, Regem (dicimus fausto omine)
Penes maritum, pulchra consort adstitit,
Decora, prudens, gratiarum tot sacris
Dotibus adaucta; lætior iam constitit,
Laribus serenis, Magne Rex rutilans Tuis:
Coniux beata, dulce solamen Domus.
Quidnam beatius aurifer Titan videt?
Quacunq; lumen aureum spargit celer
Quacunq; celeres pennas fama porrigit,
Varsoua præsidij Tuis felicibus,
Festo recentis gaudiij plausu potens?
Ingens tuarum gloria horarum nitet.*

Beati-

Beatitatem habitura voti tam boni,
En quanta complexu tuo decora tenes,
Dum in te coruscat socia Regalis thori
CÆCILIA, Regis aureo rutilans tholo.

Magni Dynastæ, currite ad plausus novos,
Ornate letis Nuptias conuiuijs :

Quicquid per orbem gaudiorum spargitur,

Quicquid canoris fertur ad celos choris,

Huc confluat, quâ lambit ingens Vistula

Agros feraces, arce Varsouia inclytos.

Ac fausta mediâ luce signa proferat

Recentis orbe gaudij magni, noui.

Penitus inertes pectore ex imo procul

Curæ facessant : causa postulat vices

Incundiores, gratiores, inclytas.

Quas meruit optimus Parens Patriæ, sacer

Regni MONARCHA cum RENATA Coniuge.

Ergò fugata nube mærorum leues

Celebremus horas gaudij tam limpidi :

Parentur epulæ Regia dignæ Domo

Carminè canoro personent pulchri sinus

Oræ beatæ, Regiis concentibus.

Belligera natio Martiis factis potens,

Contentionem prouocat res altera

Vestram: iubente MARTE nostro; promite

Latosq; cantus aurea Cytharæ, manu

Docta; rotare gyros orbis, & chori.

Latosq; plausus promite, & saltus leues

Sed suauè blandos & graues & lumine
Dignos Monarcha: Coniugis dignos sua
Vultu sacrato: sic dies isti volunt
Peragi: decoris plausibus quos debitos
Reddit voluntas grata nobilium, sacro
Capiti libens: in leta consensu bono
Carmina, sonorâ quæ canit gratum lyrâ
Reuerenter hilares concito veniunt gradu,
Fas omne maiestatis attendentibus
Oculis fouentes: Regios nutus ferunt.
Sed vnde venit, vel quis est hospes nouus?
Egon? video vel fallor: haud fallor: citus
Proceres adesse conspicitur hospes bonus,
O capita gratiosa adest hospes nouus?
Quis ille quæritis est? Hymen adest Hymen
Hymenæe gratus huc ades Hymen bone
Eia Viri & Proceres bonus præstò bonus
Hymen fauendo candidus pulsat flores
R E X Magne gratus ecce præstò Hymen adest
Ne fugiat hospes gratiose habebitur,
Leniter amæni iura surgant Hesper;
Iam roseus instat vesper o vesper bonus
Hesperus inertes forte non ambit vagus
Moras. amanum procul imperat iubar
Fouere campos Hesperia quos excolit.
Hymen canit Io, concinunt & Regijs
Ædibus Io, Io voce personant graui, &
Omnia canendo perstrepunt Io bonum,

Io canendo vocibus latis Io.

At nos MONARCHÆ cum RENATA lucidos

Annos precamur uiuat ô par inclytum

Viuat beatum uiuat innumeros dies.

20
Persoluerunt Charites Lechiacæ imò Academicæ, officium sanctum, solenne, laudabile; non exquisita pompâ, aut phalerato verborum ornatu splendidæ: at boni & synceri affectus, Monarchæ REGI cum REGINA Serenissimâ gratificandi & obsequendi plenissimæ. Ne tantum quidem si oratione possent, quicquid tamen valerent, totum huc conferre tenerentur; quando Regia amplitudo gloriæ & solennitas sacrarum Nuptiarum, cōmuni omnium Ordinum suffragio decoratur. Hæ itaq; nostræ gratiæ, imò gratitudo Academica, demissū Tuæ S. R. M. persoluit obsequium, in Tua solennitate, quam cupit esse omnium auspiciatissimam. Non enim diffitemur, neq; sumus immemores, MONARCHA bellicocissime & felicissime, fontem istum, ad quem Charites nostræ resident, amplissimo Maiorum Tuorum stetisse beneficio. Quocircà Maiorum hîc Tuorum æternum æterna vigebit memoria sanctitas, beneficium, & benignitatis monumenta sempiterna. Magni & Diuini VLADISLAI Iagellonis Domus ista, est omnis literariæ contentionis, omnis generis artium & literarum accessionis, continuò alatrix & Parens optima, ditissima. Tu quoq; CÆCILIA RENATA Regina Serenissima, Domina nostra clementissima, ita nobis felix & benigna exoriare, vt olim HEDVIGIS Regina pietate insignis, summa prudentiâ incomparabilis, Magni illius Iagellonis VLADISLAI castissima
consors

consors, quæ commodis Academicis, dicam verius totius
Regni Sarmatici certissimis bonarum literarum præsi-
dijs, in constituenda in Polonia Academia, prospectum esse vo-
luit. Illa nimirum anima sanctissima, incitamento fuerat
vel maximo, vt Lycaum totius Sarmatiæ illis temporibus
instaurandum, totam in se Regis optimi curam & cogita-
tionem conuerteret. Equidem spe bona excitamur ad
bene de omnibus rebus sperandum, cum in illo solenni
Cracouiam ingressu, Te nobis Patronam & Palladem be-
nificam fore, Tuus disertissimus Cancellarius esset polli-
citus. Nostrium erit tum pro salute S. R. M. tum pro Tua
firmitate & exoptanda valetudine, votis & precibus ad
Deum O. M. fundendis excubare; atq; orare suppliciter,
vt Te omnibus bonis, tum prole felici, spe Regni am-
plissima, Diuina sua benedictione & gratia, sal-
uam & incolumem, æterna benignitas
consoletur.





